

# YU TINGIM MI LONG BIHAIN TU?

Dispela rait antap em askim i kamap long wanpela bilong ol tumbuna pikinini bilong pikinini bilong yu long helpim bilong yu igo long ol wanlain bilong em. Strongpela tok lukaut igo long olgeta man na meri bilong tude olsem, sapos yu igat tingting long lukautim ol gutpela samting (resoses)



istap insait long enviromen em long bus, graun, solwara, wara na skai long kisim sawe na wok bilong lukautim, nau em i taim yu mas stat long mekim sampela samting long lukautim olgeta resoses yu gat nau olsem em ino ken pinis olgeta, olsem bai olgeta dispela gutpela samting [resoses] yu gat nau, em inap long helpim na sevim ol lain tumbuna pikinini bilong pikinini bilong yu olsem Mi long bihain taim tu.

**"Kalsa na kantri bilong yumi igat planti gutpela samting God papa i kamapim na givim long ol tumbuna bilong yumi ikam inap nau, em bai bilong yumi oltaim na em imas laip bilong yumi."** Yu tingim igo bek gen



long bipo, ol tumbuna bilong yu em ol smatpela lain, ya, turangu ol ino tingim ol yet nogat, olsem tude yu amamas yu igat planti samting istap, gutpela wara bilong drink, waswas, kukim kaikai, wasim ol klos samting, painim pis, kindam, kuka, mailo na bikpela bus istap **em haus na ples bilong ol kainkain**



**binatang bilong kaikai, kainkain tumbuna marasin na tumbuna bilas** wok gaden na kaikai, planti gutpela abus bilong kaikai olsem ol pisin, kapul, sikau, muruk, wel pik, mumut na ol narapela samting yu kisim long bus fri



tru long helpim sindaun bilong yu, ol diwai i givim yu gutpela win, wokim haus, banis pik, gaden na planti ol narapela samting moa: long solwara ol ailan, gutpela wesana wantaim nogat doti insait long solwara, gutpela ol rip pulap wantaim planti kainkain pis istap olsem yu ino wari. Yu gat olgeta samting long helpim laip bilong yu i isi tru na olsem yu stap amamas hia long dispela ples giraun.  
Markus Manumbor i raitim